



Fegl d'infurmaziun

Lingua ed impediment

- Duvrai ina lingua inclusiva, respectusa e libra da discriminaziuns.
- Na duvrai naginas formulaziuns abilisticas. La noziun [abilissem](#) signifitga:
L'impediment na vegn betg chapì sco ina dimensiun da la diversitad, mabain cun l'impediment vegnan colliadas valitaziuns, abilitads e dischavantatgs che stigmatiseschan e discrimineschan las personas cun impediments. Guardai da metter ils umans en il center e da betg patratgar cun clischés.
- Evitai da dissegнар il maletg d'ina persuna che «patescha» da ses impediment u che dumogna sia vita sco «supererox» – «malgrà ses impediment».
 - Evitai eufemissem, sco per exempel «disturbi», «handicap», «basegns spezial» u «abilitads spezialas», cun la finamira da guntgir il pled «impediment»: «Impediment» descriva in effect reciproc tranter ina restricziun individuala ed obstachels en l'ambient. «Impediment» è pia ina descripciun objectiva d'ina situaziun da partenza.
 - Evitai metafras, sco per exempel «esser lià vi da la sutga cun rodas». Quai reproducescha e normalisescha il maletg che l'impediment è collià cun suffrientscha.
 - Evitai noziuns sco «singularitad dal cumportament» u «iperactiv» en connex cun personas cun in impediment cognitiv u cun autissem. Questas noziuns dattan l'impressiun che lur cumportament saja inadequat u problematic.
- Duvrai ina lingua simpla ed evitai noziuns tecnicas betg chapaivlas, plets esters u scursanidas.
- Tegnai quint da las differentas furmas d'impediments e da lur consequenzas per il svilup e per il diever da la lingua (per exempel è «surdmit» ina noziun abilistica, perquai ch'ella cuntogna faussas attribuziuns – correct fiss «senza udida»).

Tips!

- [Scriver davart il tema «impediment» – tips per collavuraturas e collavuratur da las medias](#) (en tudestg)
- [Noziuns en connex cun impediment dad A fin Z](#) (en tudestg)
- [Schurnalissem, lingua ed il nausch pled «impediment»](#) (en tudestg)

